



Cumün d'Ardez

Sezzüda da la suprastanza nr. 14/09 dals 7-07-2009

Preschaints: la suprastanza cumünala e la chanzlista

S-chüsats:

Tractandas:

- | | | |
|----|--|-----|
| 1. | Approvaziun dal protocol dals 23-06-2009 | |
| 2. | Orientaziun dumonda da concessiun per l'Ouvra Tasnan | 601 |
| 3. | Maschina da far loipa Scuol-Martina | 602 |
| 4. | Nouva maschina da lavar giò in chasa da scoula | 603 |
| 5. | Allianza da las Alps | 604 |
| 6. | Contrat controllas pulizialas | 605 |
| 7. | Dumonda da fabrica Nino Zanchetti | 606 |
| 8. | Orientaziuns e varia | |

1. **Approvaziun dal protocol dals 23-06-2009**
Il protocol dals 23-06-2009 vain approvà unanimamaing.

PROVEDIMAINT D'ENERGIA

08.

2. **Orientaziun dumonda da concessiun per l'Ouvra Tasnan** 601

Il capo orientescha cha las trattativas a regard l'Ouvra Electrica Tasna sajan serradas giò e cha la dumonda da concessiun saja entrada pro'ls cumüns da Ftan ed Ardez. Il capo preschainta ils plans da l'Ouvra Electrica Tasna ed orientescha a regard la construcziun da l'inchasch da la lingia e da la centrala. Ils contrats da concessiun han il suprastants survgni culla bannida. La suprastanza cumünala discuta a regard las cundiziuns pella concessiun. Il capo constatescha cha cun dr. iur. Reto Mengiardi hajan ils cumüns gnü ün competent cusgliader chi ha güdà a raggiundscher cundiziuns optimalas pels cumüns. Ils cumüns da Ftan ed Ardez pon far quint cun entradas per mincha cumün da min. fr. 170'000.00 fin 270'000.00 l'on. In quistas entradas sun cumprais ils fits d'aua, energia gratuita ed impostas. Implü importa la taxa da concessiun d'üna jada fr. 57'000.00 per cumün. Ils cumüns nun han cun quista Ouvra Electrica Tasna ingün ris-ch. Il capo orientescha cha la radunanza d'orientaziun haja lö ils 3 avuost 2009, la radunanza ha lö ils 25 avuost 2009 a las 21.00 pel cumün d'Ardez. Ils cumüns Ftan ed Ardez preschaintan quella saira la dumonda da concessiun.

Sport

35.07

3. **Maschina da far loipa Scuol-Martina** 602

Il schef dicasteri sport orientescha cha illa sezzüda dals 03-03-2009 vaiva la suprastanza cumünala discus a regard la maschina da loipa Scuol-Martina. In quella sezzüda d'eira gnü decis da sclerir in che rom cha l'import per la cumprita da la maschina s'amunta pel cumün d'Ardez. Uossa es gnü dat cuntschaint l'import pel cumün d'Ardez, quel s'amunta a fr. 5'200.00. Il schef dicasteri sport fa la proposta da's participar cun quella contribuziun, cundiziun es la partecipaziun da tschels cumüns.

Decisiun: La suprastanza cumünala decida da's participar cun üna contribuziun da fr. 5'200.00 per la maschina da far loipa Scuol – Martina.

IMMOBIGLIAS

28.

4. Nouva maschina da lavar giò in chasa da scoula

603

La scheffa dicasteri educaziun orientescha cha davart da diversas societats saja fingià lönch avantman il giavüsch d'üna nouva maschina da lavar giò pel office in chasa da scoula. Il problem es cha per occurrenz as nu saja la maschina adattada. La maschina dovra massa löntschi per lavar giò. La scheffa dicasteri educaziun ha laschè offrir üna maschina industriala chi füss adattada al bsögn. L'import per la maschina nouva culla montascha s'amunta a fr. 5'000.00.

Decisiun: La suprastanza cumünala conceda il credit da fr. 5'000.00 per la cumprita da la maschina da lavar giò.

CULTURA

26.

5. Alleanza da las Alps

604

Il schef infrastruttura orientescha cha'l cumün d'Ardez saja daspö 1 on commember da l'Alleanza da las Alps. El orientescha cha in gün saja statta la reuniun dals cumüns commembers ad Eppan, participà d'eiran var 80 cumüns da tuot ils 7 pajais. Il schef infrastruttura ha rapreschantà il cumün d'Ardez. Il tema d'eira il müdamaint dal clima ed in quel connex la politica d'energia. Il schef infrastruttura fa la proposta d'analisar la situaziun energetica dals stabilimaints da cumün e da verer che chi as pudess megliorar. Implü fa'l la proposta da publicar sülla pagina d'internet dal cumün la commembranza illa Alleanza da las Alps e da descriver in che möd cha'l cumün s'ingascha per quella. La suprastanza discuta la chosa.

Decisiun: La suprastanza decida da publicar sülla pagina d'internet dal cumün la commembranza illa Alleanza da las Alps.

PULIZIA

30.

6. Contrat controllas pulizialas

605

Il capo preschainta il contrat culla pulizia chantunala per las controllas pulizialas. La suprastanza ha survgni il contrat culla bannida. I vegnan fattas diversas dumondas a regard il contrat. Implü spiega il capo tscherts puncts. Il capo orientescha chi vain amo relaschè ün reglamaint da multas pels 5 cumüns chi's participeschan. Duos puncts da trattativa sun amo averts: 1. adattamaint al incharimaint pür dal 2011, 2. surdatta da lavuors a terzs davart la pulizia.

Decisiun: La suprastanza cumünala surdà al capo la cumpetenzza da trattativas a regard il contrat, implü po il contrat gnir suottascriet cun duos cundiziuns.

FABRICA

05.

7. Dumonda da fabrica Nino Zanchetti

606

Il schef da fabrica orientescha cha sar Nino Zanchetti fetscha la dumonda da pudair construir sülla parcella 1966 a Craista Suterra pro'l prümaman üna tschuffa per la laina. La grondezza da quella correspuonda a la ledscha da fabrica. L'intent da fabrica d'eira publichà dals 16 gün fin 06 lügl 2009. Protestas nu sun entradas ingünas. La cumischiun da fabrica ha trattà la chosa e propuona da conceder il permiss da fabrica.

Decisiun: La suprastanza cumünala conceda il permiss da fabrica tenor ils plans inoltrats.

8. Orientaziuns e varia

Il capo orientescha cha als 22 avuost 2009 invida il cumün da Susch a la prüma badigliada per lur ouvra electrica. Il capo es absaint e nu po tour part. Il schef infrastructura piglia part.

8.1 Ardesio

Il capo orientescha ch'üna delegaziun d'Ardesio haja intenziun da gnir ils 28 e'ls 29 avuost 2009 ad Ardez. Il capo sclerischa la partecipaziun a la visita davart dal cumün e preschainta la chosa a la prosma sezzüda.

14-08.-09

In buna fai

La chanzlista:

Il capo: